





郡志



陳深守子微世為吳人生於宋習舉之業宋
 亡棄故習篤志古學閉門著書有讀易編讀
 詩編春秋編其弟子受業者以履恒洪若江
 浙叅政王都中皆出共門况嘗寓意筆札天
 曆間全章閣臣以能書薦之愈潛匿不耀以
 終別號不樞學者稱為寧極先生云子植字
 升方少負才氣喜與倜儻之士游既而折節

讀書克繼父業有孝行晨夕奉養必躬事庖
餼若親之中裙廁亦手自浣濯不以人代更
世變以琴書自娛凡辟召皆不起以慎獨各
其齋

元故慎獨處士陳君墓志銘

古香樓

陳學性
元
藏書齋

盧熊

吳有隱君子曰陳君方自其上世皆以讀
書績學服膺儒術然皆隱約終其身至于外
方父三世於茲矣始予東入吳識其尊府君
寧極先生沈潛問學淹貫群經年登髦耆生

識先輩著書立言咸造庥蘊予與先生有妻
黨維私之認而先生長於予卅餘年先生降
屈年德時相過從高談遺經疊々不絕予於
君有一年之長而君能以文行學術結知於
士林時方承平巨室大家將和泚其子弟者
必厚幣延致有非乘壺牽犬所能致禮也而
君純行薦孝每館授歸具浣滌又不但於中
君所禴若夫溫清室廬則其上世蔽風日者

至於滌灑飲食之奉必君躬庖其珍羞價雖
極貴而必以娛親有所不計也以故老先生
壽體康寧無毫髮不如意者皆君有以致于
養也君既純孝又能力學其為文動以經為
準貫穿諸別集裒其精華以立言其為詩尤
刻苦精練本之於杜而叅之唐人諸名家在
宋則尤喜陳黃至於畫思之盤礴裸跣山林
泉石幽篁怪木各盡其變態然貴富以挾而

求之者雖百金不以予一筆兼之襟度洒落
其壽寄三牲之養以奉客亦必有膳豐美器
皿精潔與人交尤重然諾僅二子年七十卒
於至正二十二年冬十一月五日君首娶費
早卒繼娶夏二兩男長訥亦既有妻有子矣
而皆早卒次謹尚未娶女二人長妙慧適俞
沂先卒次妙清適曹敬德謹即以君沒之十
又五日奉君柩葬之於吳縣靈巖鄉朱墩之

原君之曾大父諱德一配張氏大父諱暹配
柳氏寧極先生諱深字子微配周氏君諱植
嘗自號慎獨癡叟君既歿朋從乃為之銘曰
曰士而處矣以則當舉矣胡為乎更三世而
益偃也身雖屯而道則純豈得於天者而嗇
於人耶既以有言無錙磷矣其亦不朽有堅
珉矣尚何痛慟有費信者乎

寧極魚稿目錄

擬騷

我思古人

古詩

重玄寺旃檀林桂花

送曹叔時

姑蘇臺

送釋存游苕川

次韵陸承之

送周必明

隴西太夫人

寄題

簡秦章甫

慰子順

題梅

曹叔時

壽元俞治中

題梁中砥詩畫圖

丁酉元日

送沈念楚

別衛山齋

送許希元

題鄭柏憲所藏蓮社圖

內人臂

壽金仁叟

書駿馬圖

贈道眼相士

近体五言律

南遊

晚望

春日

次韵

寄友

寄友

懷德鈞

登陽山

賦月

江上

次韵

次韵

會霜晴詩

其二

次韻

又

挽王伯英

送張從美

晚步

送馮茂叔

贈孝廉

送畊存大參使日本

又

挽褚雪巖

王太古

題潘臞齋容安書院

送范竹所

送趙仲明

次韻

臯橋

送王從政

從政和韻來謝復答

又

贈文益

又

悼止

次韻

深居

題中溪詩集

挽沈氏

近體七言律

曉望

送劉梅溪

次韻

次韻

二

賀胡西軒

次韻

和龔翠巖

雪久

范公

送鄧竟非

送潘臞齋

湯梅山

舟二

贈吳江茶塚

宿真元觀

贈陸稼村

澄虛觀

又代賦

贈周山人

又

餞楊世章

送信甫

挽楊桂橋

又

送悅心

寄東臯叟

近体

五言絕句

題秋塘畵

又

題畫扇

錢舜舉寫生五首

石榴

青瓜

仙水

菊花

戲嬰圖

送人

題王章雲山卷

題扇上画

又

題秋塘小景

近体六言

題習齋先生扇上

題扇上画

近体十言绝句

小園

南湖使君

又

和南湖使君

夏日

出城

鄰圃

又

題唐園人調馬畜

賦桂山

贈心齋

又

又

濟南趙君

吳市

題山水扇

又

心遠堂

為朱自齋

又

又

代

即席

送歐陽

贈耕隱

題華清私語圖

送_日五

送夏景揚

送馬唐卿

寄木齋

題水仙卷

題_以馬圖

雲西

題老席

相逢行

綠水曲

送周奉道

次綦毋

餞四明吳典史

挽陸子順

餞行

題草虫

題云峯草虫

挽西江鄧

又

題時太初遺文

紫琳腴端硯銘

又

吳江顧仁甫

次友仁

和胡五山

送意無的

題馬

題画

和山中送友

題牡丹

題蕉石人馬

樂府

水

賀新郎

園春

齊天樂

西江月

虞美人

洞仙歌

銘

梅山銘

贊

俞時中小像贊

老子贊

寧極齋稿目錄終

寧極齋稿

吳郡陳深子微父

擬騷

我思古人

陸君承之余畏友也其好古嗜學與余同而天資爽朗邈不可及暇日撰此辭遺之冀有以勵我也
緊古人之寥：兮夫何思之弗諼蹇余生之

獨後兮曾不得與之周旋曠斯而勿見兮故
增敬而永嘆撫遺籍而玄覽兮奮所聞之可
尊彼丹心之耿著兮諒雖亡而實存苟遡風
而遐契兮尚何有於古今覽元化兮無窮感
徂景兮如駛余髮兮種：余懷兮疊：駟黃
虬兮遐征：超然之高軌倚聖言兮如天至
道兮如海超鴻濛兮何極窺浩浩兮無涖孰
導余以正適兮遵坦涂而容曳惟諒文之昭

昭庶訂余之憤：嗚呼噫嘻古之人兮惠我
無疆忽不見兮心之傷余之思兮曷云其忘
往者不可來者猶可日非夫君之相和兮
誰消搖以尚早

重玄寺旃檀林桂花

有桂生祇園團團擁旌蓋靈根挺璫錯翠色

深掩藹疑位鷲峰移迥與蛾石對寺有蛾眉山石商飈

動閭闔夜氣凝沆瀣清芬彌六合芳意函纖

芥華飄廣寒府金布如來界天空氣翳滅罔

涼月挂幽人夜禪起淨想解清遊時獨行

自愛妍華易銷落徒抱貞心在蒼鷲寧復來

臨風叢深嘒

古詩

送曹叔時歸淮東

羲農去我遠醇風日以澆遺經祗幽百千載
 空窳：漁洛渠其源百川始東朝我生性顛
 蒙望道彌堅高鍼砭無良友窮居因煩囂東
 平曹叔子姪年振英翹古心默相契一語神
 情超高堂奏綠綺長空激商飈譚玄探要妙
 力學耜虛驕方期拾瑤草歸袂何飄飄淮水

白浩：楚山青遙：相思意無盡贈子一長謠
 始蘇臺晚眺分韻得高字

殘陽古城曲岌：崇臺高不知何年創尚尔
 結構牢青山擁危楯白水環空壕美哉此山
 谿慘澹悲雄豪當時一戰霸意氣何矜驕娥
 眉坐傾國忠魄隨怒潮空餘故宮苑寒雀飛
 野蒿佳辰晤良友清眺舒煩勞夕風振蕞薄
 鴻鴈中天踰永懷五湖客一舸凌雲濤浩歌

滄浪詞願言從遊遨

送釋存游茗川兼懷子昂學士

吳興山水邦香藹雲氣萃岡巒抱縈迴溪流
瀉清駛超遙煙中客縹眴雲際寺振錫赴幽
尋攬袂接遊契是時秋正中曠朗天宇霽明
月射神珠光彩難自閔漁歌和遺音茶經詫
幽事欲從煙屨遊苦為塵鞅繫緬懷金坡英
歸來雲壑媚采采白賞花因風為遙寄

次韻陸承之歲莫述懷

鷓鴣雞晨先鳴絡絡締夜虛織物情固有殊亦
各競時急遙丘士荆扉晝常閑賦詩悲徂
年開卷懷往昔廓然一言得不願千金易大
江流湯湯白日如過翼虛堂拂朱弦再鼓三
嘆息西山遺清風潁水有竒迹勗哉望前脩
猛志庶可及自當葆天和政不慕人益

送周必明北上

天寒霜霰繁歲晏日月駛周子何倉皇孤征
誼燕薊窳々抱遺經皦々蓄幽志青雲既交
薦白首期一試蒼松多勁枝老鶴負奇氣扶
搖信可搏高冥不難致泮林日彫踈於氣淪
替側佇典刑人復理俎豆事明候薰風矯首
江南蒞願借魯諸生敬攬叔孫袂

隴西太夫人壽八十

恒山鎮翔野積翠凌太虛中有仙子宅霞光

抱瓊居怡々伯陽姥八十額猶朱神交殷玉
女祕字傳金書逍遙人間世靜壽仙者徒令
子逆烏哺專城縮菟符金章映彩服錦障承
雕輿前有命婦掖浚有玄孫扶春風溢慈幄
曉日暉慶圖海桃摘霞實靈芝掇雲腴南山
為尔壽北斗為尔斟人生天壤內菽水歡有
餘矧茲壽且貴身與五福俱厚德獲隆報彼
蒼默相孚詩人頌夔喜此樂不可渝

寄題天與清香臺

芳園轟魯臺宛在江之曲何年植瓊樹粲
々紛在目美人夫容裳超遙處空谷時登月
中觀玩此枝上玉幽芳忽吹來妙契心自足
維皇豈虛界真意豈有屬夜闌取無眠霜散
天地肅寥々翠禽語葱曨曉光旭

簡秦章甫

章甫中飛文之禍得釋詩以道之

楚々洛陽生清介常寡與官遊江之南移家

寄吳渚宰勤奉旨甘言動無過舉陽春萬物
新霈澤均施普乘風方高翔摧翮隨網罟飛
文中善類橫送夫孰禦白日照丹心皦々中
自許有能辨治長終然脫石父操存諒深固
夷險咸善處涉難知弥明履變德益聚靜探
元化心憂患真玉汝

慰陸子順善偶

歲晏登禹陵山水清遊縱迴艫艤西湖堽麓

諧伯仲旅牕燈焰青炊白感幽夢絕絃聞遺
聲據藜藿哀慟重憐游子情懼乏尊章淒風
動虛幌斜月照飛棟芳膠解鈿朶流塵昏翠
鳳荀香悵未歇潘詩應屢諷孤歎駭哀鳴離
禽感幽喞蒙莊亦何人教倪自驚眾遺情信
良難至理堪折衷

題梅圖

玉妃還絳闕委珮煙江濱瑤華振英采照耀

山水春海若不敢受謂是天上珎掌管倩姮
氏封護煩滕神風標二公子素服靚且新邂
逅蓬萊使翩然與相親畫師何漫見此筆開
清真數幅懸高堂一洗凡格塵我欲商妙語
喚起逋仙人

曹州時見過索餞篇

泄雲蒙朝日微雨霑庭除幽人掩關臥門外
無來車曹子別經歲枉道過我廬謂余抱文

藝胡為守鄉閭余曰匪高尚福性涉世疎上
奉白髮親餘暇讀我書豈如尔時甫妙年美
名譽詞華爛締繡門學滋新畬奉子一卮酒
聊為譚斯須威鳳翔高閣逸驥騰雲衢及時
樹遠業臨事毋踟躕

壽元俞治中

凱風蕩清淑秦溪鍾妙英世德裕後遠盛年
振清聲余昔客君家君甫十二齡期君世濟

美事業如甘鄉微言副深望榮涂踐修程東
吳大藩地政繁任匪輕剴裁得終賈游刃新
發硯勉奉統々戒毋著赫々稱臨下必以莊
事上必以誠勤勞慎細事惠愛甦疲氓制動
由靜壹養心貴和平嘗聞公輔量允矣王休
王祥為別駕世以公輔期之 勗哉樹佳政繼此崇令名

題梁中砥詩畫圖

中砥有送存書記詩云一聲兩聲
松子落一片兩楓葉飛夕陽在山親

月上道人相伴一僧歸趙公子
昂畫而為圖中砥索詩漫賦一首

山昏歸雲斂葉落夕飈驟疎松漏微月清光
照巖竇煙中二仙師一笑欣邂逅行々撲空
翠枝屨相先後清景適與期得句若天授畫
成詩逾絕開卷消鄙陋如飲中冷泉可嚙不
可嗽我懷陶貞白日夕夢三秀何年卓茆庵
餌木衍遐壽

丁酉元日

夜中不成寐臥覺風剝々殘寒賈餘勇飛雪

猶屬慙黎明卷新霽旭日光晻暎窮陰得陽
和春氣已先感負暄南軒余生亦云忝高門
誰能走蓬戶鎮常掩馳車聽奔湊慶語絕媚
訥自甘守疏慵豈復嘆坎壈濡毫寄柔翰隱
几坐文毯壺傾酒不竭爐擁火始燄吐詠探
清新研書味真淡流光信難駐華髮那可染
拊已歆有得感時能無憾貞吉宜嘉遯心亨
由習坎浮榮易盈歇神鑒常淵湛龜勉奉我

親力學深自貶

送沈念楚

清才不數見，在固未易識。如玉在荆山，落
混于石沈。君義興，彥恨我未良覲。陸子不妄
交，稱許詩為得。况有關里孫，延之至今席。比
聆道吳閭，捧檄建德國。高歌誦唐虞，諸子有
矜式。巖灘浩烟霞，山水澄鮮碧。暇日一登臨，
清賞慰愁寂。

別衛山齋

何處桃花源，超然欲高舉。永懷塵外游，避契
煙中侶。時泛清夜闌，默探元化祖。尋幽得佳
勝，將期結茅宇。任公五十捨，竭耒向江渚。投
竿魚不食，歸興浩莫禦。遙峯下落日，薄雲閣
清雨。揚舫吳松濱，褰裳采芳杜。長歌去英淑，
未卜重晤語。相期會有時，散髮臥雲嶼。

送許希元慰德清

士生天壤內所抱者寄氣當觀人品高豈尚
各爵貴子貞第一流淪迹南昌尉至今疑仙
去風節照百世希元人中豪未識我深愧嘗
聞畜愛馬童子刺而斃略不動聲色度量有
餘地豈易議淺深是固余所畏陸子少許可
欣然紀其事適聆尉山邑芒刃耶小試茗水
清且迅茗民號難治願言化以德勿但施法
制令聞起在今微言毋我棄

趙鄭相窓所藏蓮社音

白蓮生清池至潔塵不汙當時取名社亦以
清淨故樂國初無有莽莽果何處陶公寄醉
鄉蓋深得其趣公何挽不入謝何推不去遠
師信高識心雜固不取盜循彼何人一見乃
深許士固未易知身名期歲暮遺風驚千祀
流落見緇素永懷名山遊樂與善人遇匡廬
青拂天江水日東驚我將解世纏已辨登山

具載酒酌淵明問津桃源路

內人臂白鸚鵡啣

華清宮中歌既醉南海竒禽遠爭致玉環最
愛雪衣孃當時曾得龍顏媚璿房雕檻春日
長繡棚嬌兒在倚戲君玉憐汝解語言懷恩
不說宮中祕風鷲鳥何軒々歎惜純良遭猛
厲若翁寫出當時事側立紅衫內人臂江花
滿地不忍看空拂畫圖憐慧

壽金仁叟

嬌黃著柳回東風玉霽協瑞蜚璇穹金猊噓
暖香霧濛銅槃蜜炬光如虹尊前笑挹南極
翁海桃壓袖朝霞紅蒼々五桂雲籠嶺南山
翠色摩青空仁者靜壽如山崇世間凡語難
形容

書駿馬畜

王良伯樂骨已朽曹霸丹青亦希有開畜斂

見神駿姿對酒高歌雄劍吼祇今騏驥因監
車落日長鳴謔昂首嗤々俗眼迷天機相士
嫌貧馬嫌瘦

贈道眼相士

岳生年少精悍姿雙眸照人烟秋水氣直雲天
亦自竒口譚風鑿政可喜一鶚盤空勢輕矯
夕風吹波雲欲起海岸相逢話不休一笑人
間五百祀方瞳祇合相山中燕頤自堪侯万

里人生出處難豫期浮雲變化無窮已巫咸
一去不可追歸來心服壺丘子

近體 五言律

南遊

驅車登遠道白日忽西流宇宙驚新夢山河
感舊遊雲迷江令宅月澹庾公樓已々知何
奈長歌去國愁

晚望

莽々荒城下悠悠古道傷秋風吹草木落日
下牛羊感慨悲親事登臨嘆異方長吟意無
極回首一霓裳

春日即事

忽々春將晚幽窓遯亦佳山蜂時入座野鼠
晝緣階俗事何能已浮生信有涯莊書讀一
尺耶復散幽懷

次韻贈錢德鈞

嗜書仍好古疊々一生心搜技無遺隱幽憂
不廢吟雲鴻渺何許煙海浩難尋悵望高深
意秋空起莫陰

寄友

山中大玉子山日復何如自恨數年別無因
一寄書江湖驚老大日月暗銷除會晤無期
在憑詩問起居

寄友

海內皆兄弟情深莫若君
那知經亂後翻作
父離羣皎々雲中月悠巖上雲
相思不可見
清夢遶江濱

懷錢德鈞

城南寘徒侶錢子數來過
翰墨相娛玩文章
互切磨交遊常不厭
間闊竟如風雨懷君夜
空齋秋思多

登陽山妙淨院

野寺雖牢落山僧亦自如
幽栖鄰虎穴靈跡
近龍居地勝軒楹古
天寒草木疎憑高望城
郭杞酒一欵欵

賦月中桂

天上何年種娉娉碧樹幽
根蟠蟾窟古花落
鷺峰秋祗恐冰輪礙
時煩玉斧修素娥
久延
佇攀折使人愁

江上

放跡清江上悲歌惜歲窮孰能回白日我欲
問蒼穹天地遺民老山河霸業空清愁無著
處卷入酒盃中

次韻沈冲叟見訪之什

臥疾蕭齋冷門深一迳苔空庭小兩過瘦馬
故人来把酒悲新事論詩畏逸才未能親往
謝病眼怕風埃

次韻沈冲叟閒居郎事

晨起盥櫛罷焚香默坐餘朝陽上窓戶寒雀
下庭除隱几商清句開槭閱素書吁嗟望塵
客從解賦閒居

會霜晴詩

旭日照蕭晨凄清不受塵冷光明似雪冬暖
勝如春紅葉輝相照黃花色愈新南窓差可
愛曝背豁天真

其二

朝暎上高樹霧卷海天遙
勁氣乘寒凝巖威見日銷
鐘清出遠寺馬滑恐危橋
稍逼南枝暖疎花破窸窣

次韻陸承之寒夜有懷二首

客心驚歲莫不柰送愁頻
茅屋夜來雪梅花江上春
驅車斷行旅閉戶有高人
奚待扁舟興風期暗與親

壯志窸窣在流年冉冉催
寒鐙和夢照暗雨

挾愁來白雪詞難和青山首
重回夜闌渾不寐慨想陸機才

挽王伯英

之子尤譙柳親曾奉酒卮
懷才嗟未用抱疾竟難治
歲暮風霜慘天寒草木萎
壯年今已矣慷慨有餘悲

送張德美北上

廓落江海客素懷經濟才
高勞治邑道直恨

無媒白髮絲千縷清風水一盃功名須老大
行矣莫遲回

晚步分韻得吟字

偶諧二三子曳履古城陰遠慕求羊迹永遠
懷江海心殘陽隱深巷積雨歇高林自笑黃
荂曲那迨白雪吟

送馮茂叔分教豐城

晉朝雷煥地君去是清遊神物令何處滄江空

自沅客程二千里吾道一扁舟徐鴉祠前過
汀蘋為薦羞

贈孝廉

海內知名士乘時各樹勳辭華咸彙進節行
乃今聞清月竹林表白華開水濱緬懷純茂
德遙睇楚山雲

送畊存大參使日本

東嶠久不庭抗疏出忠誠不憚殊方使期休

四海兵長虹貫日白巨鷁壓波清笑下扶桑
國歸來致泰平

陸賈初馳詔終軍已請纓上方額委任南國
誦威名挂席鵬風順敲舷蚌月明陽侯應拱
護不遣海濤驚

挽褚雪巖高士

矯々環中叟號環中子清強八十餘平生山水趣盡

力老莊書嘗注老莊黃鵠人間世白雲天上居蕉花

吹又落回首一欬所居種芭蕉又号蕉池叟戲

王太古偕遊靈巖余以事中止先還

峭々孤峰起蒼寒倚太虛尚嫌凡子到那被

美人汗霸業消磨盡浮屠突兀居憑高怕悽

愴興盡即迴艫

題潘臞齋容安書院

屋上即青山紫扉鎮日關煙霞三迳足天地
一身閑歸去詞堪和閒居賦可刪簞瓢差自

樂高視眇塵寰

送范竹所赴吳江學職

多士乘時出身涂志業優名家傳舊學文治
佐新州六月江湖冷三山風雨秋應懷霸越
祖落日望扁舟

送趙仲明還山東

東吳隱散曹解印脫煩勞案上留丹訣樽中
有白醪北風淮水疾落日太行高遙睇雲飛

處歸心正鬱陶

次韻高龍洲入道

軒車絕華念野服遂幽情白鷺臨溪迴玄蟬
飲露清時龍洲不如葦棄家師季偉特藥友通明且結
煙中客誰論世上名

臯橋巖中道院與梁中砥商巖翁會飲
夙有巖中約今晨得來幽窓六人坐清思
一時開雪下宜看竹天寒未見人生良會少

莫惜共持杯

送王從政赴番易慈湖講席

揚子清而粹遙々江漢靈無人繼絕學有客
抱遺經霜冷鴻飛磧秋晴馬在垆東逢山似
象回首靜儀刑

從政和韻來謝復就答之

并州沈厚士氣質得天靈吳下留三祀軍中
講六經微雲霄漢清月出林垆載鼓汾亭曲

令人識典刑

墻東甘靜處詩思妙通靈堂有慈親奉門無
穴客經佳兒誦書史深巷類郊垆應解莊周
學全生不近刑

贈張受益檢校

山水經行遍蕭閑吏隱情劒寒光不泯鶴老
骨逾清傾蓋逢知己論詩盍讓卿從來說張
祐不是浪傳名

德刑相濟用自古意尤深肅殺冬神令慈祥
使者心月明清驛路風色定寒林善政民應
化毋忘魯叟歲時受益監刑諸盜

悼亡

短日一何急殘宵不肯明霜寒那有夢月落
重傷情壁凍琴絲斷風驚燭淚盈微言憶王
衍達理悟莊生

次韻贈友

柴門饒野興不逐世浮沈父子詩書樂山林
木石心玩雲聯晚句臥雪擁寒衾又欲移家
去幽栖恐未深

深居

閉關屏人事褊性樂深居琴罷更無事晝長
宜讀書粉牆苔色古檉案竹行跡漸喜相知
少門無穴客車

趙沈華溪詩集

暑夕坐無寐把君詩獨謔才堪敵冰柱韻不
減江虬瘴海三年隔風沙萬里遙相逢欣有
得傾篋盡瓊瑤

挽沈氏母夫人

允矣夫人德傳家慶有餘生存黃鵠操死葬
白龍居落月沉滄海浮雲散太虛曾為陶侃
客酌酒重款款

近體 七言律

曉望吳城有感

嗚々寒角動城頭吹起千年故國愁才見專諸
操匕首旋聞西子載扁舟霜寒古寺鐘聲早
月落南園樹影秋一笑浮華易盈歇白雲長
在水長流

送劉梅溪遊句曲

華髮蕭々兩鬢秋醉眠花竹舊風流天心橋

畔行將老

劉居吳天

心橋地肺山中隱去休半嶺白雲

容可玩一庵明月尚空留

劉有故庵山中

西風趣赴方

臺約巖下遙看二老遊

句曲有四平山亦名方臺劉故人呂江蟾號四平翁

次韻對時述懷

文學淵源百行餘浮誇深陋漢相如性靈偏
愛居山水才大難堪奉簡書毛義仕來身暫
屈揚雄老矣計全疎強顏微祿營甘旨已約
煙霞共結廬

次韻子封承之游桃花塢二首

二仲相從共此遨漾漾花氣醲征袍幾家綠
暗藏深塢一徑紅芳落野桃春色暗隨流水
去客懷空逐暮雲高臨溪忽動秦源興應嘆
浮生何太勞

閭門行樂送韶華閑訪城陰野老家黃蝶得
晴飛菜葉翠禽隔
渡橫舟閣淺沙亦有詩人時一到醉吟行盡

夕陽斜

賀胡西軒入道

世外煙霞淨綺紈天風吹夢遠笙鸞清名久
上丹臺錄散秩新除紫府官九醞霞觴兮帝
所千秋銀榜表仙壇蔡經一見心相契應許
親傳脫骨丹

胡禮蔡君為師

次韻王松陵

江上青山擁縣城江頭結屋放歌行散人昔

有陸魯望處士今無禰正平萬頃雲濤聊自
賞百年肝膽定誰傾何時適有扁舟興趁得
乘虹夜雪晴

和龔翠巖雨中述懷韻

風流翰墨傳千古議論文章自一家靜愛雲
林披白苧懶趨闔闔草黃麻江山故國閑停
權風雨僧窓自瀹茶甚欲從翁俱隱去雲深
何處問桃花

雪後遊石湖二首

衆峰戴雪玉崔嵬風定湖光鏡面開山色可
堪西子笑溪聲曾送越兵來天寒野水搖孤
艇日落浮圖對古臺回首風塵翳城闕愁來
誰伴倒清罍右泛湖

范公農圃堂

振屐重來事已非却憐清景不相違晴湖盡
屬盟漚樂夜月還驚化雀歸萬里吳船空楚

水百年庾宅尚斜暉醉哦昔日三高些千載
何人復見幾

送鄧覺非赴金陵學職

城南不得遂相羊又著綸巾出草堂李白杯
中停月影朱家船上貫虹光西來江水知鄉
近北望淮山引興長應傍荆公祠下過向來
松竹尚蒼々

送潘暉齋赴會稽講席

四十曜仙鬢未班譚經海上看青山曹江壑
白澗雅讀禹廟梅梁自去還疊嶂曉晴詩筆
鏡平湖風定酒船閒曾聞百粵多奇士暇日
清遊曷叩關

湯梅山為道士歸吳還山賦一詩以餞
三年獨向孤山住應為梅花滯水濱滄海宦
歸空有語荒城草長又逢春芝田火暖丹沙
熟松鳴花香白釀新安泝與君俱隱去烟蘆

溪處著閑身

舟行邂逅周西園出示迴文詩就次韻
遊遨適興隨幽迳笑語相逢忽並舡流急濺
花飛帶兩岸田迷艸暗浮烟樓高近水涵飛
鳥樹密藏雲咽恨鶻愁破已空尊酒綠醉吟
同眺晚晴天

贈吳江學掾

萬丈垂虹阿那邊君來山水愈清妍洞庭雲

氣浮樽俎震澤濤聲答誦弦汀柳垂遮靈運
笠江花飛落廣文氈此行適有稽山興謬繫
春風載酒船

宿真元觀

沉沉春風湖上舟幽尋不覺到瀛洲碧桃花
落門前地翠柳陰垂水際樓半夜鶴鳴松院
靜一天星照石池幽瑤林疑有神仙隱願得
相從物外遊

贈陸稼村

風雨鷄鳴江上村祇今遺叟幾人存煎茶陸
羽忘塵世學稼樊遲老聖門百尺蒼松心不
朽千年古井水無渾丹崖翠壁何從見一笑
相逢醉竹根

澄虛觀玉皇閣次韻

巋然高閣鎮吳州妙手應煩玉斧修萬疊紅
雲凝寶座一輪白日抱瓊樓濛濛灑氣疑浮

蜃烟：神光遠，駭牛終待留。侯辭富貴還來，相伴赤松遊。

又代賦

狼籍風煙知幾秋，中天傑閣煥然修。移來世外神仙宅，幻出雲中天帝樓。眺遠但知觀万象，養生應悟解全牛。帝觴它日分餘瀝，咫尺鈞天得夢遊。

贈周山人

牀頭不置黃金野，褐綸巾善陸沉。七十康強疑有道，一毫榮辱不驚心。草根露冷露芒柏，子煙清暖布衾時。啓青囊看山水，浩歌行入白雲深。

又贈

郭范寥々數百年，地仙還復出人間。豁開天外一雙目，看盡江南千萬山。玉指暗攢烏兔，定金盤活捉虜龍環。我今欲卜神仙宅，露豹

何妨露一斑

餞揚世章

阿章年少懋才猷
柏府當年與贊籌
高卧久無求
仕想閒曹聊作讀
書謀風煙坐度吳江
晚山水窮探禹穴
幽政喜相逢
又相別飛花
不分灑離愁

送信甫之江東

僦屋吳城不厭貧
江東初奉薦書新
壯年才

略須名世異國光
陰肯滯人官舍
草生三月晚遺宮
花落六朝春到時
公事期程暇應有
新詩寄我頻

挽楊桂橋

三楚名家有異孫
昔年射策對君門
青衫佐幙聲名重
白首譚經道義尊
天壤忽驚遺老盡
衣冠今復幾人存
小山桂樹傷愁絕
賴有清香為返魂

香
又代挽

壯歲名登進士科青雲直上趁鳴珂子真避
舉神仙隱作尉歸隱玄晏閑居製作多空掩高齋藏
漫橐竟無良藥起沈疴諸郎毀瘠銜哀切為
報門人廢蓼莪

送悅心北上

便乘天驥上通達笑拂吳鉤氣益奇徐庶交
游盡名士王維才藝重當時西風星斗寒芒

動落日川原秋興悲莫向黃金臺上望霸圖
消歇草離離

寄東臯叟

移家東去寄田廬始見高情與世殊愛酒定
泛蕉葉飲卜隣應近仲長居天寒掃雪推煎
茗秋雨臨溪命罩魚靜裏獨全山野樂人間
榮利不關渠

[Faint bleed-through text from the reverse side of the page]

近體

五言絕句

題秋塘圖二首

寒塘靜如鏡
雲冷水蒸秋
溪鳥無情物
悠々
不解愁

又

水落秋菰老
夕寒煙樹微
絕憐雙白鷺
飛去
但知幾

題畫扇騎驢踏雪

雪沒驢腰白行：詩興摧不因太清絕那肯
犯寒來

題錢舜舉寫生五首

石榴

萬里乘槎來錦衣驚畫炬相逢秋風中忽發
一咲粲

青瓜

蒼然藍田姿幽懷瑩冰雪遐迤青門翁曾採

人間唱

水仙
蘭

翻：凌波仙靜挹君子德平生出處同相知
不易得

菊花

百卉盡搖落獨傲清霜裏披榛見黃花淵明
元不死

戲嬰圖

祕矣宮中戲人間
那得窺開圖付一咲
能不類見戲嬉

送人遠官思親還鄉

堂有期願毋天涯事
遠游人生歸養樂
薄宦一萍浮

題王立章雲山卷

岌二兩峯峙嵐光照
寺門青山無今古
白雲自朝昏

題扇上畫二首

老樹千年古精靈
變化奇純陽
喬道士猶且被渠知

又

古木排山立幽隄
傍水開直疑林處士
獨棹

小舟回

題秋塘小景

寒溪上下碧水鳥
去來輕哀柳傷秋色
應知

畫不成

近體 六言

題習齋先生扇上畫

石罅脩篁蕭爽水邊老樹槎牙氣味與翁相
似歲寒長對蒼華

題扇上畫

蹇驢欲往何處落日空山暮鐘行到水邊幽
寺白雲低覆青松

霧閣雲窗深閉春微聞玉杵擣清聲玄霜祇
許英：見地上詩人渴夢生戲時侍姬新至故

和南湖使君烟景墨梅圖時聞有惠州

依約羅浮翠嶺前美人玉立破蒼烟畫圖未
許分明見一夜春風入夢先

夏日南軒

並水軒窓宜夏居夜涼如水似秋初斜頭枕
石臥明月仰面迎風看太虛

出城道上有感

岼上征人水上舟古今行役夢悠悠恰如河
畔青草死盡還生那得休

鄰圃求桂花并收墜英

萬里西風桂樹秋蟾宮雲箔夜香浮何當盡
洗紅塵夢乞取一枝遮醉眸

又

收拾殘英擣作湯小山風味不能忘敢煩即

遣蒼頭去掃取黃金一斛強

題唐圉人調馬圖

飛龍天鹿隘雲稠一匹驕馳掣電流
樞下髯奴真厮養眼中元不識驂騑

賦桂山 其人善染書大字

小山桂樹碧雲西三疊琴心月未低
曲罷便乘蒼鳳去廣寒瓊榜要新題

贈恒齋葛太醫

吳下謙：抱朴孫妙年應遇長桑君
素心皦皦恒如月一寸靈苗手自耘

又

人間無地不噉嗽刺眼醫門劍戟森
搯術不為流俗變始知夫子有恒心

又

少小煙霞痼疾深已將鐘鼎等山林
年來更有耽玄癖煩向膏肓為一鍼

濟南趙君成南使羈留三紀得還其猶
子錄其遺事求詩為賦一絕

三十六迴秋月明年：望斷鴈南征蘇郎皓
首還鄉去媿殺當時李少卿

吳市售藥

山夫聊作市廛居漫學壺公計已疎收卷向
來經濟築案頭惟集古方書

題山水扇二首

青山綠樹蔽層樓應有高人隱一丘客子門
前過何急古今行役未曾休

又

江上魯峰擁翠螺人烟隱隱見巖阿泊舟二
子登平陸遮莫風波奈爾何

寧極齋稿

附

慎獨齋稿

心遠堂為清夫賦

淵明去千載我猶識其心眇々清風在遙遙
 白雲深張子抱竒尚構堂太湖陰發揮陶公
 蘊高視古猶今茫茫方寸地肯受塵垢生侵
 脩然坐遙夜片月生高林朗咏止酒詩咲拂
 無弦琴世味如嚼蠟勇進忘華簪涼風起藁
 薄秋氣感吾襟短髮已種々哀年復駸々及

此樹明德願言式如金

為朱自齋賦

三衢仁政妙如神
曾活飢民百萬人
歸去淮南山色好
定知草木借陽春

又

揚州二十四橋月
此夜常如千古新
个裏風光今攬取
得閑偷与自閑人

又

長羨寬私好德人
慶門雍穆自閭閻
一只將孝友施于政
拍塞乾坤總是春

代上張文鄉秋官

曾種弋陽花滿縣
又移佳政惠吳民
公孫華胄遠流澤
東魯名家信有人
斷事以經唯守道
緣情用法果如神
甘棠聽訟期無訟
佇見園扉碧草春

即席次鶴舟韵贈正之道人

十年學仙祈不死先生有道直如矢榮華看
破等虛空只似晴空霞縈綺小樓清話醉陶
、隔屋艷歌驚靡、安知廣陵老仙人面如
紅玉心如水相期直上玉霄峰欲別共飲吳
門市枇杷正熟雨初晴送君高步白雲裏曲
江橋畔賞金華千仞峯頭采璫蓋明年約我
來名山息念從翁問玄旨庭槐清閬畫陰濃
喜對南薰第一風欲得休徵仁且壽他年九

十作三公

送歐陽耐軒職教吉州

白首春秋學青衫山水邦文星近南斗化雨
起西江烟樹籠朝日秋濤撼夜牕老懷隨處
適莫惜倒清缸

贈耕隱鄭相師

士何樂於耕聊以隱其德君家有子真清名
振京國後來鹿門叟獨往豈易得榮陽世逢

掖髯也更超特力耕不逢年習隱未絕迹嶺
芝安能茹山薇那可食寧為嚴君平肯作楊
執戟寸田可治生耜耨去荆棘眼光射牛背
月冷秋漢碧長嘯來清風高視睨八極欲識
天下士何憚走破屐奮肩容新豐燕領侯絕
域將相得若人海內自安息生民盡吐君亦
與齊力我非岩廊自是山林客榮念久矣忘
頑鄙如木石君頌乃誤許極口談噴：見吾

衡氣機求之殆聲色是相不可聞非相不可
識放之大無外斂之微莫測或堪為神仙華
峰分半席願從麻衣子卒學先天易

題華清私語圖

深宮夜半語鬼神亦莫知如何播歌詠萬古
星日垂君子慎言行所守在隱微欲人不知
事毫髮不可為

送趙生

玄雷峰如畫別來勞夢思江鄉為客久歲晚
到家遲夜暖梅先發冬深草亦衰紅塵染衣
袂不使白雲知

送夏景揚之東流

閉戶三日雨聊題贈別詩江流向東處君去
定何時五月風氣冷九華山色竒端能扣舷
去不媿木腸兒

送馬唐卿北上善推數

窮達皆由數君行已信天老親年八十游子
路三千燕雪沾襟冷吳雲望眼穿緬懷忠孝
祖濯足傲當年

寄木齋

衡陽南去能無鴈漢水東來亦有魚珍重故
人官已貴三篇不換一行書

題水仙卷

翩跹凌波姝佇立江之汜明粧秋烟中水佩風

卷圖藏書
裳委淡然真素知姿塵世那有此吾欲擬其
倫梅仙差可比

題逸馬圖

逸馬脫鞿勒野性適其適人能解天殺何往
不自得

雲西懷友畫山水寄之求題

幽懷渺何許悵望暮雲碧思之不容言畫之
那可得故人別去亦已久汗漫有期俱白首

思之思之又思何如相逢一杯酒

題老帚橫卷

老帚嘯空谷猛氣猶未銷耽耽自雄踞一任
妖狐驕

相逢行送方叔高之九江

相逢吳門市知自漁陽來朔風號歲暮落日
心悠哉

綠水曲

綠水西閭道送君江上行
盛城不住五老咲相迎

送周舉道解滿榮旋

矯々中州士圓機妙
刺裁清時期有用小試
漫淹才日下聲名起
天池變化來還家綵衣
樂第恐鶴書催夷門有
佳士大器本璠璣
委吏那為辱長才儘有
餘詩書藏谷栗德業
寄留奮斑彩歸歆樂誰
云志未據

次綦母潛龍興寺詩韻

先朝黃葉寺老屋白雲
扉燈續長明火僧猶
壞色衣馱徑馬迹遠
念佛鳥聲微唯有閑
叟坐看紅日飛

餞四明吳典史

翩々入東去何異乘仙
槎左攬扶桑日右挹
蓬萊霞朵願絕羸味
老手拔鯨牙應須佐
寬政花縣藹春華

挽陸子順

早遂田園樂人推靜退墮安知名下士竟作
水中仙韋氏珠生蚌米家虹貫船良朋驚頓
失歲晚獨凄然

餞行之諸暨知州

晉人素重入東行况是山陰道士程浙水飲
來鄉味近鑑湖到了官情輕贖裁棠樹陰還
悶更給蓮花俸家清第一流人冠當代化弦

振起舊家聲

題草虫卷

仲寬持曾無疑草虫七物

橫卷見示戲作演雅一首題其尾

耗蠃趨々常折肱小蠅營々工為口蜻蜒點
水何太輕蜥蜴緣壁徒善走蜜蜂私已翻為
人螳娘貪前仍碩後唯脊之蟬脱蛻來獨立
餐風淨無垢

題曾雲峯草虫

雲峰筆底超畦迳描寫草虫得其性孰云磊
人羞作艸不見克見幾殞命

挽西江節

三為文學椽以鼻祖元侯故國逾千里寒山
悶一丘家藏嶧桐古墨漱楚花秋不見西江
士空悲逝水流善琴寫蘭家有古槩

又

吳臺卜居久忘在他鄉門柳蕭蕭古庭蘭暎

暎光好奇儲秘笈傳業付諸郎荒草驚埋玉
江風昨夜霜

題時太初遺文卷

海虞子英秀天不假以年文翰俱散落唯餘
十四篇遺珠特精瑩修蘭自精妍有子絕肖
似庶以永其傳

紫琳腴端硯銘二首

余游金華得此瑤石鸚鵡其眼馬肝其色精

瑩而澤如玉之質將昌斯文寔天所錫雲蒸霞濡揮洒玄墨墾此石田以祈後獲號紫琳腴殊稱其德

又

落二三四點如星辰之光挾頽霞而朝初陽毓茲龍淵之秀蔚為玄圃之祥號紫琳腴其稱允臧雲蒸露湛揮洒六籍之芳銘而藏之以俟斯文之昌

吳江碩仁甫義塾

澤國漁歌裏喜聞弦誦聲切磨當以漸敦學諒俱成義塾安儒業高門躡世鄉詩書存真味被褐笑浮榮

次及仁泊舟虎丘獨步

西丘雨過落花村決、溪塘水漲渾樓閣日斜唯影立輻轡泉滴尚聲喧無言蒼石橫空道傲世青山不出門獨往忽驚春已去題詩

猶記刻舟痕

和胡五山陪呂浩翁春宴時呂已捐館
華堂花氣勝春寒曾伴山公醉玉闌
俛仰古今猶旦莫去來生死異悲歡
春風天女散花室
夜月仙人承露盤
遺迹宛然成昨夢
空留
麗句與人看

送意無的遊東林

大師何方去：上五老峯遠公不可見清池

出芙蓉醉石間來坐幽香定裏逢
向來的
意白石冷青松

題馬

奚官挾騎畱立舉掌氣桓
語罷壯風起蕭蕭
馬色寒

題畫

風裏征帆驢上人前人路遠
又斜照不知有
客紅塵表間看青山起白雲

和山中送友

何年身外又生身始是乾坤自在人
翠茨陽面非君子碧桃花發自長春
人間不遠三山路心上渾無一點塵
回首芙蓉峰在眼二黃應許作山賓

題牡丹

京洛全盛日花開大石槃
繁華驚夢覺風雨五更寒

題蕉石人馬

牽來一疋五花馬
山立芭蕉大石旁
開卷明窗見神駿
追風萬里想乘黃

樂府

水龍吟

壽白蘭谷

此翁疑是香山老
來愈覺才情富
天孫借與金刀玉尺裁
雲縫霧一曲陽春樽前唯欠柳
垂櫻素對蒼松翠竹江空
歲晚伴明月傾芳醕
溪谷脩蘭楚續離騷載歌初度麻姑
素約天寒相訪遺余瓊露擬借青鸞吹笙碧
落采芝玄圃玉堂催召文園醉叟草凌雲賦

賀新郎

壽黃春谷時自南州過浙右相宅合巹齊期適逢壽日

倦園藏書

丹鳳翔雲表覽德輝翩然飛下翠蓬仙鶴銀
漢無聲天如水昨夜新涼多少前秋聽一曲
瓊蕭音渺千尺秦臺凌空峻見一隻翠羽先
飛到披紫霧攬瑤草風流別乘當英妙對
江山掀髯把酒浩歌長嘯綠髮公侯何足晚
自是無雙才調沉視蔭青々天杪月殿姮娥
雲深處近清秋丹桂催開早斟綠醕戴花帽

沁園春

次白蘭谷韻

浪迹煙霞有酒千鍾有書五車任從來蕭散
閑心似水何堪媼媚笑面如花濯髮滄浪放
歌青海肯被紅塵半點遮誰知道抱無名鉅
璞重價難賒嘻嗟大澤龍蛇且蟠屈深潛
得計些看淋漓醉墨神情自足摩挲雄劍肝
膽無邪渭水烟蓑營立綉袞何處何嘗有異
耶今何在但素蟾東出紅日西斜

鶴李曹氏

齊天樂 八月十八日壽婦翁歸菊圃

秋林濤玉漲西陵渡江亭曉來雄觀帝子吹
笙洛妃起舞應喜蓬宮仙誕斗墟東畔望縹
渺星槎來泛何漢明月樓臺繡重啓暑桃
燕莊樵一樹翠色五枝芳桂長金蕊玉榦自
咲狂疏尊前起壽不似衛郎溫潤一庖泛滿
羨彭澤風流醉巾長岸老圃黃花清香宜晚
歲

西江月

龍沫流芳旒。犀沈鋸屑霏。薇心玉露練
香泥壓盡人間花氣銀葉初溫火緩金猊靜
裊烟微此時清賞只心知難向人前舉似

虞美人 題玉環玩書圖

玉搔斜壓烏雲墮拄頰看書臥開元天子惜
娉婷一咲媽然何事便傾城馬嵬風雨歸
時路艷骨銷黃土多情誰寫西園中江水江

花千古恨無窮

洞仙歌

羽士設醮 八月十七日壽 畊參夫人時命

銀波湛碧遙泛仙槎早婺宿榮煌瑞雲曉慶
芳傳丹桂勸動連枝稱壽處一簇蓬萊翠窈
步虛聲婉轉清徹瑤壇疑是鈞霄鳳音渺
正金燒礼虛皇天階靜涼入綃衣風裊想金
書秘字賜長生進九醞霞苞練顏長好

銘

梅山銘

子華甫隱於藥而寄興於梅嘗以梅
山自號請銘于余迺為之銘曰

天地变化其機不傳玄陰既極萬物用負由
剥而復微陽始升蒼山涵寒幽花獨馨玉質
朗曜鐵枝崢嶸皓雪讓潔素月並清得氣之
先斯仁之萌自華而寔斯仁之成吾宗子華

攬元化英觀梅于山而得養生寓仁于術慈
視嬰^孩充之自茲以達八紘

贊

俞時中小像贊

服蒙古服手執周易一

渥丹其顏如戟其鬚服今之服執古之書吾
聞古今殊涂有如舟車知者自達愚者拘
唯易之道變化不居孰為俞子而作是圖蓋
將示我隨時之義君子之中乎

老子贊

起物先妙自然見之者猶龍焉貫三極垂二

